

POLITIMESTEREN I GRØNLAND nr.: 55PM-10164-00004-15

Imaneq 22- Postbox 1006-3900 Nuuk MNIO1 8

Telefon (+299) 70 1448- Telefax (+299) 32 41 94

Inatsisartut

Postboks 1060

3900 Nuuk

Inatsisartunit allakkat (01.33.05-00129 ulloq 29. oktobarimeersut innersuussutigalugit aallarniutigalugu erseqqissaatigissavara, politiit Akileraartarnermullu Aqutsisoqarfik pitsaalluinnartumik suleqatigiimmata. Akileraartarnermut Aqutsisoqarfik qanoq annertutigisumik pisariaqartitat naapertorlugit nukissaqarnersoq – imaluunniit pineqartumi annertunerusumik iliuuseqalerneq nukissanik annertunerusunik illuartitsivigineqarnissamik pisariaqartitsiviussanersoq, uani isummerfigissanngilara.

Tamatumunnga isummernissaq uanga pisussaaffimma ilaginngilaat. Akileraartarnermut Aqutsisoqarfimmi nassuiaatigineqartutut immikkut immikkoortortamik pilersitsisariaqarsinnaaneq pillugu, imaaliinnarlunga isummersinnaanngilanga, tassami suliasap pilersaarusionera aaqjissuusaaneralu assigiinngitsunik amerlasuunik periuseqarfigineqarsinnaammat.

Taamaattorli qularinngilara akileraarutissiinermi annertusisamik nakkutilliineq aningaasaqarnikkut pinerluuteqartarnermut nalinginnaasunut akiuiniarnermi sakkussaasinnaasoq nalitooq, soorluttaaqq assersuutigalugu innuttaasunik isertitaminnut (isertitaqannginnerminnulluunniit) naleqqiullugu annertuunik nalituunik pigisaqartunik siunertalimmik nakkutiginninnermut isumaga malillugu iluaquterujussuussaaq – tamanna akileraarutit avaqqullugit sulisarnernik, assersuutigalugulu ikiaroorartumik niueruteqarnikkut isertitanik qulaajaaniarnermi, qularnaateqanngitsumillu pinaveersaartitsiniarnermut. Soorluttaaqq innuttaasut inatsisit atortinneqarnerannik tatiginninnerat annertusitinneqarsinnaasoq, tamanna inunnik isertitaminnut naleqqutinngitsumik assersuutigalugu biiliniq angisuunik, pigisanik aalaakkaasunik umiatsianillu pigisaqartunik akileraartarnermut oqartussaasut eqiingaffiginninnerat paasigaanni. Tassunga atatillugu erseqqissaatigineqassaaq akileraartarnermut oqartussaasut – politiitut pinnatik – pasinninnermik tunngaveqaqqaaratik sulianik taamaattunik misissuisinnaammata.

Akileraartarnermut oqartussaasut paasinninnera malillugu tamatumunnga eqqummaariffiginninnerat annertusitinnikuuat, eqqummaariffiginninnerli soorunami suli annertusitinneqarsinnaajuaannarpoq.

Ikiaroorartumik allatullu aningaasaqarnikkut pinerluuteqartarnermut akiuiniarneq, paasinninnera malillugu Akileraartarnermut Aqutsisoqarfimmit politiinillu ataatsimoorullugu suliasaasutut taasariaqarpoq, tamanna sulianik passussinermi akisussaaffinnik assigiimmik agguasseqatigiiffiusumik, tassami tunngavissaqartumik pasisaqarluni sulianik aalajangersimasunik paasiniaaneq politiinit suliasaavoq

(pisariaqartitsineq naapertorlugu akileraartarnermut oqartussaasunik suleqateqarluni), kisianniuna ikiaroonartumik allatullu aningaasaqarnikkut pinerluuteqartarnermut akiuiniarluni iliuutsinut amerlanernut sammisami immikkut oqartussaaffeqarfiup - tassalu Akileraartarnermut Aqutsisoqarfiup – misissuisarnermini pinerluuteqarsimanermik paasinnittarnera pingaarutilerujussuusoq. Taamaalilluni assersuutigalugu nunami mittarfinni, umiarsualivinni allakkerivinnilu timmisartukkut, umiarsuakkut (tassani aamma aalisariutit), nassatanik, nassiussanik allakkanik tikittunillu pisarneq malillugu misissuisarneq Akileraartarnermut Aqutsisoqarfiup akisussaaffigaa. Soorluttaaq Akileraartarnermut Aqutsisoqarfik akileraartarnermut misissuilluni assersuutigalugu aningaasaqarnikkut pinerluutinik paasinnissinnaasoq. Misissuinernik taamaattunik politiit ingerlatsinissaminnut inatsisitigut tunngavissaqanngillat.

Kalaallit Nunaanni politiit kiffartuussinertut politiit pisussaaffiginngisaattut, assersuutigalugu Kangerlussuarmi mittarfinni allakkerivinnilu qimmit atorlugit ikiaroonartumik nassaarniarlutik arlaleriarlutik misissuisarput. Kiffartuussinerulli taassuma ingerlaannarnissaa naatsorsuutigineqarsinnaanngilaq, tassami Kalaallit Nunaanni politiit aamma nukissanik atuinermini pingaarnersiuisariaqaramik.

Tikittunik misissuisarnermut tunngatillugu akileraartarnermut oqartussaasunit isumaliutigineqarsinnaavoq, mittarfinni nunanut allanut attaveqaataasuni tamani ilanngaaserisumik ikiaroonartumik nassaarniartartumik qimmilimmik inissiisoqarsinnaanera. Tassunga atatillugu ilisimangilara akileraartarnermut oqartussaasut suliasamik taassuminnga tigusinissaminnut maannangaaq nukissaqarnersut.

Nalunaarsuiffiit suleqatigiilersinneqarsinnaanerat allallu pillugit apeqqutinut tunngatillugu malugineqassaaq nunatsinni oqartussaasut nalunaarsuiffiit pilersinneqarsimasunik ataqatigiissaagaanerusumik suleqatigiilersitsineq pigisanik isertitanillu inatsisit unioqqutillugit pissarsiarineqarsimasunik nunatsinni pisortat qulaajaasinnaanerannut malunnaatilimmik iluaqutaasumik sunniuteqarsinnaanera mattunneqarsinnaanngilaq.

Politiit inunnut paasissutissanik Kalaallit Nunaanni oqartussaasunut, soorlu Akileraartarnermut Aqutsisoqarfimmut tunniussisinnaanerannut periarfissat pillugit apeqqummut tunngatillugu pisortat ingerlatsineranni aalajangiinernik paasitinneqarsinnaatitaaneq pillugu inatsimmi § 28-ip ilaatigut politiit, tamanna suliap ingerlanneqarneranut pisariaqarpat, paasissutissanik inummut tunngassuteqartunik akileraartarnermut oqartussaasunut tunniussisinnaanerat aalajangersarpaa, imaluunniit tunniussineq oqartussaasut nakkutilliisnaanerannut misissuisinnaanerannulluunniit pisariaqartinneqarpat.

Politiit qitiusumik nalunaarsuiffiit Kalaallit Nunaanni akileraartarnermut oqartussaasut nalunaarsuiffiit nalinginnaasumik suleqatigiilersitsisinnaaneq tunngaviusumik apeqqutinik arlalinnik nassataqarpoq ilaatigut inuk pillugu paasissutissat pillugit inatsimmut (persondatalov), rigspolitiit ataaniittumut tunngassuteqartunik, tamanna pissutigalugu periarfissaq taanna pillugu oqaaseqarsinnaanngilanga.

Inussiarnersumik:

Bjørn Tegner Bay

Politimester

aamma

Morten Nielsen
Unnerluussisuuneq